



Neka je hvala Allahu subhanehu ve te'ala koji je svjetlom Svoje knjige osvijetlio tamu dunjalučkog mraka, koji je s njom uputio zalutala srca, pa ih učinio spokojnim i smirenim u dušama iskrenih vjernika. Neka je najbolji salavat i selam na onoga koji je poslat kao milost svim svjetovima, čije su riječi i djela naš uzor na ovoj prolaznosti. Neka je mir i spas na njegovu časnu porodicu i ashabe radijallahu anhum, ali i na sve one koji koračaju njihovim putem, žive islam i upućuju druge ka uputi sve do Sudnjeg dana.

O mu'mini koje Allah doziva u Kur'ani Kerimu, znajmo da nam je Allah propisao razne ibadete putem kojih ćemo Mu zahvaljivati, veličati Ga i kako Njemu dostoji slaviti. Jedan od ibadeta koji nam Allah propisuje, a koji nam uskoro dolazi jeste post u mjesecu Ramazanu. Od današnjeg dana pa do Ramazana nas dijeli još samo osamnaest dana. Dolazi nam jedan tako značajan, lijep i svima nama drag gost. Znamo da će doći i da će biti u našim domovima mjesec dana. Spremamo li se da ga dočekamo? Kako ćemo ga ugostiti? Kakvu atmosferu ćemo imati u našim kućama? Hoće li se naš dragi gost među nama prijatno osjećati? Da li se radujemo dolasku ovog našeg gosta, da li osjećamo ljubav i naklonost prema njemu?

Da li ćemo ga dočekati sa nemarnošću, omalovažavanjem i rušeći njegove svetosti ili ćemo ga dočekati sa dužnim poštovanjem i veličanjem? Hoćemo li ga dočekati u ljenčarenju, igri i zabavi ili u pripravnosti, angažovanosti u činjenju dobrih djela i svih vrsta pokornosti? Hoćemo li ga dočekati zlovoljni, neraspoloženi i zabrinuti ili ćemo ga dočekati veseli, radosna srca i velike nade u Allahov s.v.t. oprost i milost?

Ima onih koji sa nestrpljenjem očekuju Ramazan, koji vole postiti njegove dane, a noći oživjeti ibadetom. Oni znaju da je ramazan neponovljiva sezona za sticanje sevapa i Allahove nagrade. Oni su poput trgovaca koji su svjesni unosnog poslovanja u ovom mjesecu. Normalno je da ni jedan trgovac ne može biti uspješan ako radi samo jedan mjesec, tako i istinski mu'mini rade čitavu godinu, a kada dođe Ramazan onda udvostruče svoje zalaganje i trud.

Pored ovih ima i onih koji se ne raduju ramazanu, pogotovo ne sada kada ramazan dolazi u ljetnjem periodu, dugi dani za post, kratke noći za spavanje, pokvariti će mu njegov planirani odmor itd. Ima i onih koji ramazanske dane zamjene sa noćima, tako da danju spavaju a noću sijeje provodeći ih u kojekakvim pričama, igrama i zabavama. Ramazan nije zbog toga propisan. Ne zbog igre i zabave. Ne zbog jela i pića. Ramazan je propisan da nas duhovno



3. Smirene duše i zadovoljni, težeći da učinimo što više dobra, i da se međusobno nadmećemo u sticanju sevapa i klonjenju od pokuđenih i zabranjenih stvari i da na taj način steknemo Allahovo zadovoljstvo i visoke džennetske stepene.

4. Čisteći svoja srca od mržnje, zavisti i drugih bolesti shvativši veličinu svojih pogreški i nedostataka, te čineći iskrenu i potpunu tevbu - pokajanje od svih vrsta grijeha. Jer, grijesi čine da njegov počinilac postane tvrda i surova srca, ukoliko se ne pokaje, i ono oboli i oslabi njegova moć. Tada se svjetlo njegova imana postepeno gasi, nestaje stida i ispravnog rezonovanja, umanjuju mu se blagodati, a povećavaju iskušenja, nesreće, poniženost i propast. Uskraćuje mu se svjetlo istinskog znanja i moć prave pokornosti, a to je sve razlog sticanja srdžbe Allahove nesreće na dunjaluku i ahiretu, razlog sticanja prokletstva, te jedan od najvećih uzroka nereda na Zemlji.

5. Od bitnih stvari prilikom dočeka ovog mjeseca je i: sticanje znanja i razumijevanja fikhskih propisa vezanih za post, te način Poslanikove s.a.v.s. prakse za vrijeme Ramazana. Neophodno je da musliman nauči šartove posta, vadžibe, sunnete i stvari koje kvare post, šta je dozvoljeno, a šta zabranjeno postaću da čini, propise vezane za osobe koje su oslobođene posta, propise vezane za sadekatul - fitr i sve druge propise vezane za Ramazan. U Islamu pravilo glasi: "Prvo dobro izuči neku stvar prije nego je počneš prakticirati." Uzvišeni Allah veli: "Znaj da nema boga osim Allaha i traži oprost za svoje grijeha!" (Muhammed 19). Allahov Poslanik s.a.v.s. je rekao: "Kome Allah želi dobro, učini da on razumije (propise) vjere." Muttefekun alejhi.

6. Također je neophodno da pripremimo praktični program i raspored dnevnih aktivnosti u toku ovog mubarek mjeseca kako bismo najadekvatnije iskoristili njegovo skupocjeno vrijeme. Odredimo sebi u ovom Ramazanu neke od aktivnosti kao što su učenje i slušanje Kur'ana. Proučimo makar jednu hatmu u toku ovog mubarek mjeeca. Pročitajmo koju knjigu sa islamskom tematikom. Redovno dolazimo u džamiju radi namaza i mukabele. Klonimo se svih besposlica i čuvajmo svoje oči, uši i jezik od harama. Međutim, ukoliko sagledamo trenutno stanje islamskog svijeta, na našu veliku žalost, primjetit ćemo da većina muslimana ne veličaju i ne provode ovaj mjesec onako kako to od nas traži Uzvišeni Allah, niti ga dočekuju u skladu sa propisima naše uzvišene vjere.

Molim Allaha da nam pokloni post mjeseca Ramazana i kijam - noćni namaz. Podari nam u njemu moć, ustrajnost, trud i aktivnost, i sačuvaj nas u njemu od fitneluka! Amin.

